



三
 百
 五
 十
 五
 冊
 見
 類
 文
 籍
 山

ル 5
 1111
 4



1111
卷 4

三省邊防備覽 險要上

險要

邊界相連要隘

淑江嚴如澄輯
安康張鵬猗梓

夔府大江以南接界鶴峯建利恩施各州縣西陽所鄰龍山永
順各縣均往時夜郎地雍正年間改土歸流山陡谷幽其險
極矣而民風質樸百餘年來事端絕少郎宜興漢夔保介在
江漢之間山多田少地多新墾各省流徙之人著籍其間五
方雜處民情浮動自勝國以來荆襄流民頻年積聚暨未造
張李各賊竄伏其間豕突狐嘯蔓延二三十年始就底定嘉
慶年間教匪滋事擾累者亦七八年在楚則秦蜀之守當嚴



在秦而川楚之防宜固但窺堂奧者必由門戶而入涉階除者必從藩垣以進左鄰之樹或掩光於右鄰北宅之雷或滴零於南宅則邊境相連之要隘不可不講矣牖戶綢繆鑿前卽以怙後輔車憑倚固我亦可保人茲將邊境相錯之區爲彼此共守之險者另作邊界相連說

巴東在大江南與巫山接壤塗徑在江北界嶺之險巫巴共之火峯屬巴東南至鯁魚溪北至九灣子均爲要隘九灣子山勢環折徑路崎嶇尤不易度

朝陽坪巴東縣之西北與巫山接界要隘東至石墓老林邊六十里西至巫山屬麻線坪四十里迤南爲巫山觀音巖汛北

至馬鬃三十里

馬鬃嶺巴巫接界山勢陡險西至相思嶺五十里險阻可畏烏雲頂在馬鬃嶺北接連巫山營之八石坪汛爲巴東巫山房縣交界東至相思嶺西至陰條嶺均六十里南至慈坪北至小當陽均十餘里砍伐老林闢爲徑路朽木狼藉橫塞山巔緣木而過登跋維艱

相思嶺巴東巫山房縣三縣交界要隘東至馬鬃嶺西至烏雲頂均六十里取道老林中北至巴東東坡口十五里又至麻線坪十五里南至巫山高四節二十里均老林邊行走嶺上有三佛寺一座官軍勦辦賊匪時常駐於此

邊境毗連地方犬牙相錯者曰川陝曰川楚曰楚陝均只兩省相連惟川之大寧陝之平利楚之竹谿則為三省交錯之區鄭志稱三縣相連舊有三十三隘今亦不能悉舉也

陰條嶺高數十里古木叢篁徑路逼窄為房縣大寧巫山連界之要隘西至竹山大寧相接之笑天龍六十里南至巫山大昌之黃草坪觀音巖二汛均五十里北至房縣之九湖坪四十里老林斷續不相聯屬地極高寒間有客民墾種苦蕎燕麥一二年後即不能成熟故地當要隘荒涼特甚

張公橋在大昌東北東至笑天龍九十里西至大禾田七十里北至竹山洪坪汛一百五十里北至竹谿向家壩八十里西

北至平利瓦子坪二百里為鹽廠赴興山房縣必由之路礪路崎嶇澗流湍激行人目眩心悸

蕭家坡大寧鹽廠營分汛東至竹谿屬香溪界嶺六十里南至徐家壩汛五十里西至鷄心嶺汛六十里北至竹谿之豐溪汛一百二十里山徑四處相通最為要隘

香溪界嶺竹谿所管東至大禾田五十里西至蕭家坡六十里南至徐家壩五十里北至竹谿向家壩五十里東至核桃園五十里山徑四通亦為要隘

大禾田竹谿所管接連鳳凰山老林東至張公橋七十里西至香溪界嶺七十里南至徐家壩四十里北至竹谿向家壩五

十里核桃園五十里山徑四處相通亦爲要險

鷄心嶺大寧鹽廠營所轄由苦草壩陡上四十里至嶺北過
母猪洞石峽三十里至平利瓦子坪嶺高出霄漢陟其上陝
川湖北各山均羅列如兒孫太白所云上有六龍廻日之高
標下有衝波逆折之激湍此嶺實爲相肖一夫當關萬夫莫
開然官兵賊匪之由間道相攻者必避此絕險由嶺東一百
五十里之豐溪汎間道入蜀者一百二十里至蕭家坡東南
至譚家墩一百二十里繞菜子壩西至鹽廠營所轄一碗泉
汎一百里則往太平路也山中路路相通飛鳥不到人可度
越信哉

豐溪汎駐有竹谿營守備兩面高山汎在山麓溪岸地勢逼窄
南由廟子壩洞賓口小關子界嶺上老鼠檻一百二十里而
至鷄心嶺西由舖子嶺皮洪溝千竹河七十里而至鎮坪南
則往蕭家壩東南往向家壩均一百二十里山徑崎嶇最爲
要隘

鎮坪營平利所管東口爲湖北豐溪汎鎮坪當西口地勢平坦
溪水滌洄較豐溪爲宏廠陝西設都司一員兵四百名東南
至大寧鷄心嶺七十里西南由上茅壩乾溝中心石一百四
十里而至鹽廠營所轄之一碗泉正西由竹溪河至化龍山
又由化龍山至八仙河分路至四川之兩扇門偏巖子山幽

谷暗易以藏奸毗連三省邊境處處可以相通最為要隘故
經參各元戎頻駐節於此

西溝界嶺東至豐溪汛九十里西至鷄心嶺九十里北至鎮坪
營一百一十里南至蕭家坡九十里林旁礮路盤折逼仄極
為崎嶇

西河界嶺上下峻坂共三十餘里東至豐溪汛四十里西至
鎮坪營五十里雨營汛文報必由之路

文彩溝界嶺北接光頂山西為河溝綿長四五十里寬一二里
三四里不等老林斷續路從溝礮上行極為崎嶇

大光頂山小光頂山高出雲表林木蒼蔚自文彩溝起至紅巖

溝止袤長五六十里高二十餘里上寬十二里為竹谿平利
接界大山往時賊匪多竄匿其間至竹谿城二百四十里平
利城二百九十里山溝出白土嶺要隘

竹葉關竹谿所管在光頂山北會家壩南川楚往來經由平利
者多取徑於此東至撰河塘六十里竹谿縣一百八十里東
北至平利縣二百一十里牛頭店四十里西至鎮坪一百五
十里南至唐家坪五十里山徑崎嶇四處相通最要關隘邊
微有事為兩省必守之險

劉家坪東北至竹谿二百里西北至平利二百四十里龍山凹
至竹谿一百里平利一百二十里薈草壩至竹谿八十里至

平利一百里榆樹埡至竹谿六十里平利八十里山徑往來均爲邊徼隘口

白土關今平利縣城扼湖陝邊界要隘地勢雄潤爲自來必爭之險嘉慶三四年土民以賊匪往來築土堡以守計寬二里許七年因平利縣治卑窪四面高山敵得俯瞰舊城爲溪水冲塌移縣治於關民間沿舊構曰白土關不言平利縣也由關東六十里爲關埡兩山夾峙一線中通爲平利竹谿交界處白土關營分把總一員駐守東五里秋溝塘竹谿營把總一員駐守由秋溝至竹谿地稍平坦由關埡至白土關則凹凸曲折有以增關之險也

董家梁山平利之老虎溝汝河東北直上土山漫坡距汝河四十里至洵陽石門子三十里銅錢關三十里竹谿西棚四十五里亦爲要隘

銅錢關洵陽所管西距董家梁三十里北至洵陽神河八十里東至七里關二十里南至竹谿分水嶺五十里

七里關洵陽所管崇山疊嶂爲湖陝要隘舊設有守備專營北至金河口四十里東至梓木樹埡五十里西至竹谿安河塘三十里安河設有竹谿營把總分汛

梓木樹埡洵陽所管由金河而上一路連山疊嶂扼湖陝之要隘南爲竹谿地軍興時埡北愉忻寨民擒首逆陳潮官於此

魯家舖在梓木樹埡之東至界嶺三十里與白河縣接界

聖母山白河所管峯高千仞崔巍崇隆爲白河竹山接界大山
東南至竹山吉陽關二十里茅塔寺五十里東由山麓行四
十里至左吉關爲郟縣界湖陝扼要之區

黃山嶺在聖母山西白河縣所管亦竹山白河交界要隘距龍
觀塔三十里馬鞍橋六十里

白河縣與楚省接界漢水廻繞東下出城十里木瓜塘卽郟縣
所管漢江北岸爲郟西縣地直至洵陽縣藍灘之北陸路爲
洵陽郟西接界

牛心石當一、二天門之西峭削嶙峋號爲天險軍興時駐大營

防堵

三天門郟西所管一天門二天門三天門兩面巖峽中通一線
沿石磴而登所謂十步九折鬱巖巒者也洞天石扇忽然中
開軍興郟西令孔繼幹練十三卡鄉勇洵陽令嚴如燧團仙
河十七寨互相防堵賊匪至此者聞風卽折回他竄一天門
由黃山松丁家壩至廟川三十里至高橋溝十里

上津堡亦往時縣治距郟西縣一百二十里地勢雄濶湖陝扼
要之區西北與山陽縣之漫川關連界漫川爲水碼頭甲河
小船由漢江進者可以上抵漫川上津漫川水陸相距均三
十里南至一天門一百零五里西北至三岔河七十里三岔

三省邊防備覽
河至心川嶺一百里

廟川亦鄖西西路要隘至歐家川四十里至小心川三十里至東西川九十里與洵陽鹽店峽連界

丁家坪至滾子坡三十里至李黑溝六十里與鎮安縣東茅坪連界

兩岔河山陽所管三十里至漫川關水路下至上津徑通甲河口中間寬坪新灘均水碼頭

散水臺商南所管十里至界牌埡十里金家坪鄖西所管往來要路

富水關商南所管二十里至桑樹坪十里與河南浙川縣界牌

交界

龍駒寨在商州東一百里地勢雄濶小船由州河東下直抵襄樊水陸通衢最爲要隘設有州同分防東南由月兒灣竹林關山路二百四十里至鄖西之金山寺正東由桃花舖至武關頭道嶺九十里與商南接界

武關由四條嶺試馬寨四十五里至商南城

梳粧樓商南所管至月兒灣交河南浙川界至縣城一百一十里此路驟馬可以行走

自商州東北雒南與河南之浙川盧氏閩鄉陝西潼關華陰接壤亦往時賊匪流竄之地最宜防範

由鷄心嶺而西界嶺一道綿亘千餘里北歷平利磚坪紫陽定遠西鄉南鄭褒城寧羌南歷大寧城口太平巴州通江南江廣元平武則川陝二省交界接壤之區也自徐家壩一百里至一碗泉

一碗泉鹽廠營分汛山徑逼窄孤峯挺拔爲川陝要隘東至牛心石六十里東北至平利上茅壩四十里至城口後坪汛一百三十里自此而西一路皆界嶺矣

偏巖子楊四巖均在界嶺之中老林深處南至蘆捍洞三十里楊四巖至火燒柵五十里北與平利之八仙河汛西南與太平之望鄉壩老鴉口黃墩汛馬鞍山均皆相通相距在百里

內外故往來搜捕多取道於此

兩扇門城口營所管至漁肚河三十里石山壁立狀似城牆中開一缺如門至板棚子七十里又三十里至油榨坪三十里至八仙河汛南二十里金鷄梁又二百二十里至城口廳南天門在兩扇門之西約八九十里亦城口廳所管兩扇門南天門至大小亮埡子踞川陝之脊均有未開老林寬四五十里七八十里不等北六十里青草坪又三十五里漳河坪山峽逼窄溪水盤紆扼南天門兩扇門之要西南十里中岡溪又三十里嵐溪汛爲城口營分防距城口三百一十里磚坪營二百二十里

火燒梁磚坪所管通楊四巖山徑南至太白河三十里又三十里至茨蓬溝

小界嶺紫陽縣所管南至城口廟壩子三十里北三十里至鐵佛寺

陡嘴子在小界嶺西北四十里至太山廟西二十里至城口廳
廖山溝

大界嶺由八道河跌馬坎至斑鳩關九十里南至太平高頭壩三十里大小界嶺陡嘴亮壩山巒險削老林箐鬱與兩扇門南天門無異高頭壩為太平大竹河汎與斑鳩關汎會哨之地

大亮壩在大界嶺西距大岔二十里至太平龍莽河十五里

二州壩山勢陡險下臨深澗往時太平興安會哨之地紫陽縣設有二州壩主簿其地逼窄荒涼不能存住移居茅壩關外煙墩壩十八盤絕險礪路至關稍為平夷

大竹河即紫陽任河於巴山直下萬峯相連之中忽有小溪可以行舟畧為界斷然其流不深故皮窩舖之山徑與界嶺相連不知中有小溪也

紫溪河距太平皮窩舖五十里距二州壩十里小澗水歸大竹河

鹿池壩定遠所管距太平皮窩舖五十里西北至九拱坪五十

里山勢高峻磴道崎嶇

滾龍坡太平定遠交界之地在鹿池壩西五十里至太平梨樹溪三十里至定遠漁渡壩汎五十里土山陂陀陽斜順下蓋定遠之爲東川屏障者其險在由西鄉堰口進倒峪口面子山巖寨子等處石壁陡立一線羊腸盤繞澗水礪路之中二百餘里不減五丁金牛峽也下滾龍坡至太平廳惟近城之觀音峽路從水溝中行夏秋漲發每有淹滯冬春坦行無阻秋波梁距鹽廠二十里巴州所管今改歸太平廳姚家壩亦川陝要口定遠三元壩漁渡壩俱由此入通江嘉慶七年設巡檢於此九年改移漁渡壩

竹峪關通江所管崇山環抱深澗盤迴極爲雄峻東北則爲巴州太平入秦之路東至官壩九十里西至九子坡九十里關北六十里與定遠九元子關交界石磴陡險上下六十里關上有老關廟往時川北道同漢南道會哨之地竹峪關驛馬大集場由西鄉至西安山外者多取道九元子而林木蒼蔚徑路幽險行旅恒有戒心

簡池壩山勢陡峻下臨深澗當川邊之衝要頗有市集黎壩巡檢寄治於此距竹峪關汎一百二十里瓦石坪守備營四十里通江兩河口五十里定遠白楊關六十里迴軍壩南鄭所管當通江入漢川之衝過天池狗毛洞羊圈關

爲通江所管東之花石梁西之巫山埡爲南鄭三卡北三十里至青石關兩山夾峙羊腸一線設有巡檢司汛官

巫山埡之南曰小壩巖方坪之南曰官倉坪廟壩之南曰桃園寺皆南鄭地與南江縣北境毗連南江境俱未闢老林路從林邊行走至漢中府城一百六十里

紙房壩在褒城黃官嶺之南過乾溝河綿纏河溝間有老林入南江境至龍神殿則百餘里均老林矣川陝邊界老林獨此一帶尤爲深邃

土地嶺在褒城鑽天坡西均入南江老林之路

西流河在褒城銅廠西九十里與南江廣元接壤最爲幽險城

壻巖一帶人馬難以行走

周家營寧羌所管東北至西流河三十里南至南江老林北過板倉壩紅火子林下卽鐵鎖關汛

芷子山寧羌所管經常家河毛埡子下寬灘河至廣元寬灘汛四十里

流沙坡廣元所管至寧羌八廟河七十里又廣元蒿川子北至寧羌關口壩三十里廣元會家河至寧羌石埡子三十里各路雖皆相通鳥道羊腸僅可攀援而過

七盤關寧羌所管與廣元分界盤曲而上西至轉斗舖二十里東至黃壩驛二十里南棧大道不甚險阻

金山寺昭化所管至寧羌柳樹壩亦川陝小道

青木川寧羌所管交龍安府平武縣界西通階州邊境極為幽險東北至陽平關二百四十里

由火峯界嶺西北至鷄心嶺湖北四川相連之險由鷄心嶺東北至白河縣藍灘牛心石東北至龍駒寨皆湖北陝西相連之險由鷄心嶺西北至青木川陝西四川相連之險其地皆犬牙相錯邊徼有警設卡防堵必互相聯絡庶以壯聲威相距里數最為要鈐也

三省廳州縣險要

南鄭縣川原平曠四達之區惟縣南七十里之青石關扼通江

南江要路兩山夾峙礮路羊腸盤屈而上頗為險峻然關不足守必須於關南之廻軍壩天池子設卡為隘又關東五十里之花石梁山勢高峻而為天池子間道西南則由小壩秦家壩至梅子壩紅廟塘可出南壩也梅子壩與花石梁亦要卡又由南江老林而行則梅子壩西七十里之廟壩巫山壩尤為要卡

城固縣與南鄭相聯一望平蕪南山之盤壩天明寺等處包在南鄭西鄉之內惟北境之小河口場在高山下雨小溪會流於前東由老荒林回子壩則通華陽山內北由梳桿石則通留壩西江口盤屋牛尾河等處西北由西公河五道梁則通

三省邊陲傳覽
襄城馬道爲城固南鄭要隘教匪新兵之擾多取道於此顧其地要而不險當於小河口南四十里之鷄公梁設卡防堵而已與東西原公東西留村平壩相近就小河安壘築礮庶足爲郡東北屏障

洋縣西南與城固西鄉接壤平原如掌東之黃金峽真符村皆古縣治峽爲漢江第一險而陸路則無阻惟北之華陽由漢王山大小牛嶺而進計一百五十里華陽亦古縣治西水環其前沃田數十頃東北則大古坪北由二郎壩進都督河厚畛子則蓋屋老林西至佛爺坪通城固小河口西南之鐵冶河下流爲灋水河卽古之灋谷東八十里至茅坪汎路稍平

垣四面層巒疊嶂林木蒼蔚四塞之區設有縣丞都司

縣東北與藍屋寧陝接壤山大林深地勢奧衍計寬數百里東南之金河口大陽灘東之良心河大河壩北之間觀河三岔河皆要而不險其東北出東嶽廟至袁家庄教場坪扼藍屋寧陝西鄉洋縣要路地稍平坦可以安壘築堡爲東北藩

垣

西鄉西北與城固洋縣接壤爲平原漫坡東北之子午谷在西鄉者爲午谷在長安者爲子峪南北相對通稱之曰子午地勢逼窄河流一道合洋縣西岔蒲溪焦溪並五郎各山谷之水環繞於前夏秋可行小船東至石泉饒峯關四十五里北

兩河口五十里南至洋縣渭門六十里漢南要隘

五里壩在西鄉東南二百四十里崇山峻嶺路徑崎嶇高川平坦宜稻不過數頃北連石泉東通紫陽南接定遠扼要之地設有縣丞分防

司上沱縣南九十里自堰口南進懸巖峭壁六十里直至市上場集仍設石磴之中南則面子山大坡設有分汛把總爲定遠營所轄議者有定遠分汛不必在西鄉之地不知西鄉至定遠二百七十里從山峽中行者計二百里較各道最爲險阻有事時數十人據之萬衆難過而兩邑之聲息不通於司上設此汛所以通定遠聲援而不致孤懸邊末者也

大巴司縣西七十里南七十里龍池場爲西鄉西南要隘自定遠分廳西南境之險盡分定遠惟西境之樓房坪菩提河一帶老林與通江空山壩接連從定遠瓦石坪左右老林川匪竄入者以龍池場爲扼要之區宜於瓦石坪營分弁兵防堵則伏莽無慮

定遠廳東路星子山間有老林五塊石在星子山下最要者爲觀音塘東通紫陽之茅壩關南由松樹壩九拱坪至鹿池壩當太平空處西由大草地至漁渡壩北由五塊石至中楮河五里壩山徑四達最爲要隘近設把總分防

漁渡壩廳南九十里卽古漁肚路四川之東鄉縣地勢平坦無

可扼之險而東通星子山觀音塘東南接鹿池壩滾龍坡與四川太平接壤西南七十里至姚家壩九元壩與四川秋坡梁竹峪關相接經畧額侯常駐大兵於此設有巡檢把總嘉慶九年同知嚴如煜捐築土堡一座

瓦石坪汛廳西二百四十里在大巴山中大巴山之在陝者東至清水河北至大巴關鍾家溝西南環以三元壩簡池壩西大池白陽關魁星樓樓房坪菩提河細辛壩周圍七八百里千巖萬壑古木叢篁伏匿之洞寨竄遁之徑路紛紜叢雜搜捕爲難嘉慶十年設守備營兵二百四十名修土堡一座而巴山中日就謐寧矣

褒城縣東與南鄭接壤西與沔縣連界均平原隴隴城北鷄頭關最爲峻險由關至青橋驛五十里兩面懸巖峭壁鳥飛難度中夾烏龍江湍激異常至觀音碛一帶石壁無路賈大中丞燒石鑿之始能行走宋荔裳先生有棧道平歌詳漢中志藝文賈名漢復字膠侯官至尚書西北有雲霧山老林由馬道西溝麻坪河小溝均可緣山攀援而進

黃官嶺縣南一百一十里舊設守備今改把總文職分防巡檢地不甚險而最爲要隘東至紅廟塘四十里牟家壩八十里與川省通江路通而由私渡河法慈院來者與由梅子壩來者山徑取道於此南則由塘口子白巖河而至南江西則由

鋼廠西流河而至廣元北則由新集閭家壩協稅集梁家營而達南鄭沔縣軍與時王提軍長制軍駐大營在此防堵沔縣東南二面皆襄城外包不與四川連界定軍山縣南十里連峯疊巘佳氣蔭葱忠武侯屯兵之所侯墓卽在山椒古柏千章蔚然深秀

青羊驛白巖河南與寧羌接壤茶店子西與畧陽交界均要而不險

高平場在縣北一百里由舊州鋪進關山旋風山袂田壩而至場山勢崢嶸崔嵬鳥道羊腸計四十餘里西路由九臺子下石頂關茅壩當黑河深處東北由關下過余家河亮堽子人

神廟獅子河至褒城之雲霧山層巒疊阜一路均皆老林爲沔邑要險

寧羌古武都郡五丁關在州北四十五里石巒壁立澗水中流關上下三十里峽長數里行人從礮路涉澗流攀援而上爲棧道絕險然由州東之鐵鎖關可趨沔縣阜川定軍山由關下之漫川烈金壩均可至陽平關守關者以間道爲慮

鐵鎖關州東六十里地勢逼窄徑路崎嶇南上嶺卽板倉壩下至廣元所管東北過阜川至定軍山不過百數十里地稍平夷昔昭烈避五丁之險由母倉山徑至定軍則以此爲間道陽平關州西九十里舊蜀漢所守陽平水經注稱其南臨沔水

西阻白馬以地勢度之在今沔縣地沔西出寧羌當巴蜀兩川之要北出畧陽扼天水三郡之衝隴蜀咽喉誠爲扼要以馬孟起守之馬墓在沔城東五里其明徵也現陽平在嘉陵江東岸距沔水尚二百里非陽平故地特蒙其名耳然

國初經畧巴蜀以嘉陵爲運道駐有守道副將以重防維後裁去協道仍設參將分駐州同則亦要地也

留壩廳爲襄城鳳縣所分南之武關北之柴關亦爲險要西江口在廳東九十里北接盤屋之太白河牛尾河東連城固之桅杆石西通鳳縣之進口關在老林之邊防維不可少疎

鳳縣東之進口關三十里至白雲四十里至方柴關由號川桃

川而至斜峪東南由寇家關西江口桅桿石而至小河口此路較之鷄頭青橋畧爲坦夷忠武侯由樂城出斜谷路也行旅多取道於此

鳳嶺高峻南自心紅峽陡上嶺埡下至縣城山椒上下五十里殊爲要隘

唐藏在縣西北接連太渠通甘肅吳寨利橋由十八盤龐家河而至方石舖由草灘孤廟嶺而至草梁驛由楊家嶺長橋而至黃牛堡地處四達崇山峻嶺徑路崎嶇最爲要險

何家巖縣東六十里石壁崢嶸蹬路逼窄當畧陽沔縣要路設有把總汛

畧陽古興州北扼池河西控隴道縣治在象山下東爲八渡河西則嘉陵江交會縣城之南山勢嵯峨江流湍激形勢雄壯自宋南渡爲宣撫安撫開府之地

道林溝由寧羗大安驛後進口至畧陽接官亭出口東當福寧山麓蟠折八十里爲往時興州往利州大道

白水江在縣北一百二十里江爲唐人所開運道經西江口置口而至畧陽陸路南至八渡山上下五十里石徑陡險北沿小溪上虞關礮路七十里至徽縣西通青泥河西淮壩東過三川中川至金池院東北由鍋廠巖寫壩進棧壩老林爲畧陽險要設有弁兵防守

黑河卽沮水河發源紫柏山水漲時污濁故土人呼曰黑河由鳳縣之張口石至二溝場八十里爲黑河頭由二溝場經沔縣茅壩八廟河張家河西至畧陽冷峪河爲黑河中由冷峪經鞍橋觀音寺海棠溝至黑河壩爲黑河尾盤折於層巒疊嶂之中收頭二三四各溝八面河冷峪河常家河棧壩林各小溪澗數十道之水四面老林東則光化山菜子嶺紅羊河石頂關西北則大陽山棧壩常家河火地秦家壩環繞不斷而常家河棧壩老林最寬廣約一二百里與兩當徽縣接聯光化山張口石鐵廠七八座鍋廠寫壩鐵廠三四座常家河紅羊河圓木廠猴柴廠大小十數處黃圪塔等幽暗之處兼

有硝磺廠沿河兩岸開林墾山多安徽川楚之人結板屋有
家室種地為生低山種黃豆包穀高山種洋芋燕麥蕎麥能
務本業惟各廠之人多係隻身傭工豐歲於謀食外尚得工
價歉歲包穀清風糧價昂貴廠主停工此輩無資以生囂然
不靖故撫馭極難入黑河各路由沔縣北過高坪場石頂關
南則經小礪河老龍溝東由留壩棗木欄翻光化山東北取
道武關西溝翻菜子嶺各山一上下皆六七十里磴路陡險
中無人煙惟北由留壩南星陳倉故道而入至鐵爐川守備
營七十五里路雖迂而稍夷西由畧陽娘娘壩過仰天窩至
觀音寺山不甚高而礪路逼窄黑河地為畧沔鳳兩當徽縣

五縣險要最宜防範

興安古金州地唐時山南東道金房鄖襄均為所轄舊城在漢
江南府縣城守所治新城距舊城里許在山下總兵暨中左
營弁兵所駐郡城平坦人煙稠密東至鄖陽五百六十里東
北至商州七百里南至夔州九百里西南至太平八百里南
至漢中七百二十里西北至寧陝四百二十里為三省邊境
扼要適中之地

牛蹄嶺與洵陽摩王嶺接壤狗脊關與平利舊縣毗連均為要
隘不甚險阻

九里岡老樹嘴琉璃溝北往鎮安路九里岡山起人面極其陡

峻琉璃溝與洵陽麻坪河接連路行山峽中最高為幽遠

牛山綿亘百餘里高入雲霄有金牛洞即昔人掘劍刺黃腰獸

處險而非要

鵬粉曰掘劍唐金州刺史崔偉事詳見王氏見聞錄

王莽山縣北二百八十里傅家河水出焉山西燕子嶺東為二

郎山四面陡峻其頂平坦可容數千人瀑布飛洒林木蒼翠

常有劇盜據此下為鎮安下茅坪由傅家河從上下團山上

下松樹壩山福中行可抵郡城

鵬粉曰山接燕子嶺明嘉靖間劇盜淡文自巢據茲山金州判官劉閣提兵撲滅遂設為溝堡成

三條坡高峯鼎峙擗鼓臺土阜巋然亦古戰場也

鵬粉曰三條嶺非坡也平遠山亦非高峯

磚坪府西南二百二十里軍興之時府西南與四川太平連界

賊匪往來伏竄民無寧宇遂就嵐河與溢水交會之處築水

圍城一座糾民貯糧顧其土係浮沙遇雨水便至坍塌乃於

西二十里磚坪另築土堡以駐兵民其土性亦不甚回旋於

西北小阜上相度作新堡地勢壯濶百雉屹然為府西要隘

近議設廳治

苦竹關磚坪東七十里距汝河壩三十里與平利接界要隘

孟石嶺危峯峭嶂地勢雄壯地屬平利為磚坪營分防汛地北

至竹葉關六十里南過金貓關松樹林藍家山霸王廟一百

二十里至平利八仙河汎羊腸鳥道古木叢篁要而兼險

萬人寨磚坪西南九十里山勢高峻四面石壁頂有平地可容

萬眾軍興時居民在此修寨避賊官兵亦貯糧其間西至紫

三省邊防備覽

陽斑鳩關六十里南至觀音巖五十里經巖屋枋廟坪大河
至四川城口廳界最爲要險

麻柳壩磚坪營分汛在萬人寨山麓西至斑鳩關六十五里北
至鐵佛寺五十里扼紫陽安康之要路極崎嶇

鐵佛寺西至銀珠壩五十里當大道河洞河之衝戴花嶺在磚
坪北九十里與安康分界崇山峻嶺亦要隘也

銀杏庄在磚坪東北六十里至猪槽溝三十里東至水碓溝三
十里當平利磚坪之衝

漢陰廳東七十里雙乳舖西五十里池河舖百二十里之間乎
川坦途並無險阻

鳳凰山一名祿百山高出雲表叠嶂十二層北阻越河南臨漢
江綿亘三百里跨漢安石紫四邑北爲漢陰南爲紫陽兩縣
往來山路並漢陰至洞河大小道河均從此山徑過

鐵爐壩廳北七十里崔巍挺拔東至螞蝗山二十里東北進龍
洞溝至瓦子溝九十里與寧陝接界

素珠嶺廳東一百二十里連峯叠巘如一串牟尼西至黃竹枋
二十里北至黑水河三十里與安康接界蛇徑崎嶇極爲險
阻

石泉縣東至池河爲往安康大道北由漢江順流而下梅湖爲
定遠西鄉行旅要衢

饒峯關縣西七十五里山極崔巍磴路險阻羊腸鳥道上下三十里吳武安兄弟所據以拒撤離喝者東下雙嶂塘四十里西至子午河四十五里兩面高山中通一線關南北均有小徑可繞至關後故武安終不能守而退入西鄉也

展龍壩在饒峯北四十里山勢陡峻磴道崎嶇為寧陝赴漢南捷徑

火地嶺陡險異常石泉寧陝要路

紫陽縣濱臨漢江城臨山岡望之如鰲北則鳳凰山南北東北為漢江入境出境

斑鳩關縣東南一百八十里崇山峻嶺徑路崎嶇北五十里五

作雲五峯插天上多凹岔常有伏莽東南六十里至萬人寨南九十里至大界嶺西五十里至小界嶺小界嶺在大界嶺左為東西往來要路

毛壩關縣西南一百五十里連山疊嶂之中稍開小嶂大竹河環繞於前西南至二州壩三十里南至亮壩子七十里西至紫溪河八十里皆通太平要路關南峻嶺一十八盤真十步九折鬱巖巒矣最為要隘

瓦房壩縣南三十里在大竹河旁川中小舟往來樊襄停泊之處路通定遠太平亦為要隘

平利縣新城在白土關距舊縣治九十里地當要隘

女媧山縣西北五十里岡巒起伏蜿蜒四十餘里山頂林木青
蒼蔚然深秀陟其巔頂洵陽之神河壩河摩王坪均在日前
秋山坡縣東南一百五十里山徑蟠折上下險路三十里

曾家壩縣東南一百六十里地勢平坦東通竹谿之竹葉關由
川中偏巖子楊四巖往竹谿者多取徑於此

化龍山鎮坪西九十里崑崙幽邃分支別派綿亘百餘里古木
參天平溪竹溪諸澗均導源於此陝境漢江南巴山而外惟
此老林最為茂密

八仙河即嵐河之腦四面連山疊嶂中有小水田坪沿溪而下
北至漳河坪為鎮坪要隘西南過兩扇門為城口營地蛇徑

一線蟠折危巖峻嶺之間最為幽險

鎮坪至平利三百六十里之間處處礪路中經石砦河白土嶺
白珠峽牛頭店琉璃壩秋山八角山山骨峻嶒須攀援而過
夏秋水漲阻滯輒至旬日冬春冰結石滑人馬失足無不立
斃此路南至大寧奉節之途號稱絕險

洵陽縣府東一百二十里背枕崇山面襟巨流史漢高祖遣酈
商徇郿關即縣治也

蜀河口洵陽東一百四十里在漢江北岸蒲帆竹纜上泝興漢
下達襄樊騾馬駝運北通商洛沽客雲集為漢江中小都會
邑令嚴如煜捐修石堡一座

鹽店峽兩山夾峙一線羊腸當山陽鎮安商州要路

陽山為終南山分支穹隆峯嶺西岔河盛家河駱家河小河皆
導源此山千巖萬壑綿亘百餘里舊時老林甚多近已漸次
開墾地之阻奧足以伏莽

神仙洞在縣南七十里幽邃深阻可藏萬人青山寨嶙峋壁立
頂稍平厥軍興時寄貯兵糧嘉慶六年提督楊遇春殲張添
倫等七股賊匪於此寨勇助力邑令嚴如煜更名曰大功寨
神河口大寨在縣西南七十里神河金河繞其左右與將軍寨
聲勢相連四面石壁因險築壘當安康平利竹山之衝軍興
時寄貯兵糧

高壁洋縣西六十里在漢江北岸下為淺灘水涸時踣淺可過

嘉慶七年於南北兩岸各結小寨一座架礮防範

盼陽嶺即盼官山縣西一百里崮嶺崔嵬上下五十里北至趙

家灣二十里東北出沙溝二十里西南下麻坪河二十五里

最為要險鵬嶺曰嶺名判官嶺非聯官山

兩河關縣西北一百七十里乾祐河於鎮安仁河自寧陝交會
於此北接仙人碓南扼王家溝後倚峻岡前臨溪澗石磴崎
嶇為商洛赴梁洋必由之路歷來用兵多取道於此然避其
險者由鎮安東茅坪出傅家河山溝可至漢陰興安由小河
榜子土十二嶺可偷越至洵陽各處間道不可不知

白河縣成化時分洵陽五里之一設縣治北岸爲鄖西地東至
鄖縣水路二百八十里陸路二百四十里縣西南聖母山穹
隆峯聳綿亘六十里東南至竹山吉陽關一百四十里南至
竹山解家陽坡一百八十里又由右手進溝三十里至梓木
樹壩再西山鎖子溝五十里至洵陽七里關均爲要隘
寧陝廳新城在五郎關之西里許地勢雄壯而城中高亢無泉
水北近高山敵可俯瞰西南白雲山逼臨對面地勢凶惡故
有空城之變老城相距十五里東西溪流湍激南岸亦有土
山但地稍平坦且與焦家堡毗連足爲輔車之助故文員仍
移安舊老城

太山廟廳東八十里老林葱蔚山勢崎嶇東過手扒崖通鎮安
摩王坪南與漢陰鐵爐壩連界北通孝義亦要險也

火地嶺廳南六十里距澗溝嶺二十里山勢陡險異常往石泉
要路

四畝地廳西一百二十里連山疊巘古木叢篁翠嶺紛紜四十
里爲洋縣陳家壩通大河壩良心河西北六十里至麻房子
火地入老林接連蓋屋渣口豹狼坡各老林爲山內要隘舊
設都司營改把總巡檢分防

洵陽壩廳北一百二十里在腰竹嶺老林內辟開小壩約寬十
餘里南至油磨溝三十里北至鷄公梁三十里爲往東江口

營必由之路路從老林行走如過青楊巷也

東江口營廳北二百四十里由長安峪口至五郎關重山複巘沿途並無平壩而東江口為適中倚山臨水山勢陡峻溪流湍激南至徐家壩四十里北至高關五十里沿溪流而下為仁河通鎮安西路東通月河經竹山溝沙羅帳至孝義廳地東北由高關經沙嶺子百丈礪至鄂縣之澇峪由青龍峪入十坪接連蓋屋之秦嶺營在老林之中四路相通為山內扼要之區江口駐長安主簿南十里白神廟設都司一員隸漢中鎮

夾嶺在江口北四十里老林中兩山夾峙由山溝彳亍而上最

為要隘寧陝山內分大小兩脈其田金鷄河腰竹嶺向東之山嶺大林茂產松杉美材大連抱高十餘尋足供棟梁之用者一望皆是而山澗盤屈窄狹不能運出山民墾荒砍伐朽腐燒灰殊可惜也夾嶺一路木多雜色作枋作薪美材頗少寧陝設廳之始數百里古木叢篁茂密蒙蔽狐狸所居豺狼所嗥人煙零星荒涼特甚官吏視為畏途論者多議建置之非宜迨後教匪滋事豕突狼奔大兵四面堵擊賊勢窮蹙竄伏老林經畧額侯迺於寧陝廳屯重兵駐劄將就近搜捕以逸待勞以主禦客膚功得以迅奏否則環老林數千里猶賊據為巢穴不易完結建廳之舉殊為遠猷碩畫矣

孝義廳本咸寧山內之地同寧陝添設廳治所轄地方不逮寧陝之遼澗而西接寧陝南連鎮安山大林深實爲幽險新移廳治在舊縣關距鎮安九十里

大山岔廳北九十里由咸寧引駕回進峪上下秦嶺七十里山勢穹隆一徑羊腸蟠折於叢林懸巖之間稍不戒則人馬墜深澗岔在秦嶺南麓地稍平夷設廳之始建治城於此後以四塞逼窄移廳治於舊縣關

盤屋山內東與鄠縣寧陝南與洋縣西鄉西南與城固留壩西北與鳳縣寶鷄岐郿山內均皆接連其地方之遼澗山谷之阻深較甚寧陝自寧陝孝義設廳賊之竄林者於兩廳不能

伏匿多潛盤屋山內縣境老君嶺以南卽入老林其北近縣治一二百里開設木廠圓木猴柴由辛峪黑峪西驛峪而抵渭河漸次墾闢老君嶺而南厚畛子四十里至都督河西六十里至黃柏園西北至頭太白埡二太白埡三太白埡則徑通岐山之三才峽西南六十里至二郎壩由二郎壩西北觀音峽厥陽坡鷄冠梁至磨房溝北由鷄冠梁之分水嶺均通鳳縣山內由二郎壩西大小牛尾河平頂關至留壩之太白河南由都督河迤二十四壩藥杓西至華陽由都督河東佛爺坪火燒營至鼇山大南小南由火燒營南至洋縣之涼風埡大古坪月亮坪由厚畛子東南太平河長嶺至板房子黑

圪塔與寧陝老林相接翁鬱蒙密周圍數百里南山老林此
內最為廣濶留壩太白河可運圓木猴柴城固之壻水河導
源亦在盤屋但自慶山以下節節皆為民堰故近寧陝洋縣
一帶老林墾闢者尚少稽查防範不可少疎由華陽取道二
郎壩至厚畛子二百四十里華陽縣丞謝大名訪查古蹟自
藥水二十四壩有路通都督河較二郎壩路捷一百里老林
中拔木通道兩面古樹一徑蟠折竟日在青霧蒼煙中行走
沿途無客店安頓為裹糧而前則捷徑不易行矣鳴榔曰西
石泉石泉之北接寧陝寧陝
之北接盤屋相距二百餘里

三省邊防備覽

險要下

叙江嚴如燈朝
安康張鵬盼梓

險要

鄖陽府西扼秦蜀東捍唐鄧南制荆襄北連商洛郡邑雄峙其
中大牙相錯舟車萃止四塞奧區三邊重鎮往時臺臣駐節
籌邊之所江漢所倚為安危也

鄖關城東二十里史記貨殖傳西通鄖關者也琵琶谷繞其下
為郡城門戶康熙初年撫治楊懋勳殲賊於此

天馬關在漢江之南一名天馬巖舊傳巖裂出天馬王三字當
房縣竹山安路

月竹關城西南一百八十里山勢嵯峨磴道詰屈東南交房縣

西北通竹山亦為要隘

梅家鋪城東北一百四十里重山疊嶂結有小坪東達河南浙川之荆子嶺北通陝西之商南為郡東北要隘鄉民築堡為固設有弁兵防守

江峪城東北一百八十里距梅家鋪四十里東連河南浙川北達陝西南商州連山疊嶂徑路崎嶇為郡要險設有弁兵防守

白桑關城東北八十五里東通江峪北通梅家鋪西至雷峯埡十五里鄖縣為房竹西則鄖西上津東北一路獨當豫省南陽汝陝衝要寇由豫竄入多在此路防維最為緊要

楊溪塘白浪口相距十里城東一百七十里左界商南右界浙

川花石埡草廟嶺相距十里城東北以西四十里右為均州左界浙川山谷阻深均為要隘

茅塔堡亭竹山相距十餘里城南一百八十里西界竹山南界房縣亦扼要之區

黃龍灘由堵河口而上在城西南一百六十里堵河兩岸有東西花果園相距五十里傍山臨水均為要隘設弁兵防守

神定河城東南二十里源出竹山流入漢江將軍河城西北二百一十里北與紅石河會流入漢木瓜溝與白河接界均為要隘設弁兵防守

天心山城西一百二十里方圓百餘里形如城垣四面有門上有石槽長數十丈山高林深爲鄖境巨山折而西名羊尾山蜿蜒至鄖西境內

廣山城西一百四十里高二十里頂濶二里餘周圍峭石森立狀若城郭下臨漢江北爲鄖西西爲陝西白河其西南五里卽孤山

房縣西連九石南抵建鼓楚蜀咽喉之會麋庸聯絡之區縱橫千里山林鞏固有如房屋蓋壯縣也

老寨縣東二十里有後巖山險阻異常明劉千斤名通據之爲白圭所破後流賊王斌亦恃爲巢窟鄖鎮王光恩破之

博磨坪縣南一百八十里距冷盤壩三十里連峯疊嶺中結小坪東通保康南接興山五方雜處往時移安板橋巡檢旋裁近議仍設巡檢要隘之區防範不可少疎

九道梁縣西南三百六十里在萬山中與四川大寧巫山接壤設有巡檢冷盤壩大小羅溪獐落河廟坪九湖坪各要險均相毗連鷄鳴口尤爲要隘嘉慶元年巡檢黃詔於此堵賊陣亡防範不可少疎

上龕縣西南二百一十里房之西境馬鬃嶺老旺壩均皆要險崇山深谷凹凸起伏無一處平坦此地稍爲寬敞頗有水田東接九道梁西連獐落河戡伐時大營往往駐此設有守備

營防守

獐落河縣西一百六十里至陰條嶺一百八十里通四川大昌
大寧巫山最爲扼要設有弁兵防守

冷盤埡縣東南通興山臺口臺口在五臺山下接連老官寨甲
長坡均通興山要隘

板橋縣西北一百八十里有捷路出磬口卽堵水東南通大木
廠往郡城要路

洛陽河山在城南四百六十里山上十二坪甚廣有池名九湖
坪坪中有一峯名曰嘯天龍九湖坪上下老林百餘里蔥蒼
蒼鬱極其幽邃羊腸詰屈險阻異常與大昌大寧接壤

十盤山縣東北一百四十里懸巖千仞駭人心目中有石徑屈
折十盤方躋其嶺秦有七盤高聳連雲十盤險更甚矣

房山縣西南四十里四面石室如房縣因得名

竹山縣東接均房西距岷漢爲古上庸國分封之地九里岡起
伏於後鷄公嶺聳峙於前實爲壯邑

方城山城東三十里山上平坦四維險固圍護如城春秋庸叛
楚使盧戢黎侵庸是也屈完對齊桓之方城在今葉裕之間
名同而地異

官渡堡縣南一百二十里崇山陡拔溪水激湍爲南山要口設
有守備營防守

白河口城南二百四十里北至平河口三十里經大平渡鐵峪口爲赴房縣間道西由公祖河七十里至柳林店抵竹谿縣向家壩與核桃園相連南一百二十里洪坪又一百里經羅漢下甕子至青龍坡張公橋與竹谿縣山內往四川大寧大昌之路相會重山疊巘中結小坪爲山中小場舊設有弁兵近議以房縣二竹南山內適中之地設同知廳治

洪坪堡縣南三百餘里北距鄧家壩八十里西至三才河與四川大寧縣交界連岡疊嶂羊腸詰屈明山寇野王剛聚衆據險撫治戴珊捕之置堡爲竹山南要路設有弁兵防守田家壩縣西南三十里店社星繁水陸交通山中鉅鎮

界山有三界堡北接陝西白河西連竹谿縣亦爲要隘

吉陽關縣東一百里在聖母山麓北有關嶺綿亘甚長北接白河東通鄖縣山峻路險設有弁兵防守

保豐一作寶峯縣西九十里達四川陝西要路

兩河口縣西南五十里官渡柿河二水至此相會南至白河口七十里山勢穹窿溪流湍激均通四川要路設有弁兵防守化峪河塘在堵河東岸對寺河在堵河西岸均爲要險設有弁兵防守高興寨徐家坪與陝西洵陽接界

竹谿縣本竹山地成化十二年割竹山尹社店地方置縣縣境東西相距一百二十里北接洵陽亦一百二十里南界平利

大昌大寧與房縣接界計五百六十里包絡竹山之外關隘
重重控制秦蜀

羅鼓洞城東五十里卽磁瓦關頗爲險峻通竹山房縣要路柏
林岡亦與竹山接壤縣河鎮城東六十里

核桃園城西四百二十里二竹房縣之境東西相距各一百數
十里南北相距六七百里北與郾竹白河洵陽平利接壤均
在二百里而近西與四川巫山大寧本省興山巴東歸州交
界均五百里而遙環遶千數百里高山峻嶺穹窿幽邃古木
叢篁蒙密蒼蔚明時流賊暨嘉慶年間教匪滋事往來川楚
多在此帶奔竄地勢使然防範爲急三縣山內無平曠之區

惟竹谿核桃園稍爲雄濶水廻山環軍興時曾紮十三大營
東至向家壩二十里山內有小市場壩寬一二里長五六里
雄壯不如園而地稍平坦

向家壩崇壩百雉可斷川秦竄逸徑路北至竹山洪坪汛一百
四十里東北至房縣九道梁二百四十里東南至巴東縣險
峪河二百八十里西南至大寧鷄心嶺三百九十里

香溪界嶺縣西南三百六十里與四川連界渡船口縣南撰河
寨縣南西設有弁兵防守

洞峙山縣西南五十里懸巖萬仞飛泉倒瀉循麓而上蹊徑絕
陡相連大寨可容數千人康熙甲寅楊來嘉謝泗之亂竹谿

營擁衆以守賊屢攻不能下遂遁去

雲露溝梓潼均均在縣西與白土關相通爲湖陝邊境相扼要
隘嘉慶三年李董二參將捐軀於此

保康縣本房縣地明宏治六年割房縣潭頭坪之地置縣東枕
蛇峪南帶峽沙西接筆架北接烏峽屹然巖險之隅

十家林縣南六十里層巒疊嶂結成巨嶺西連紅巖寺東接程
起山廣百里有奇袤五六十里其上寬坦霧作則冥濛莫辨
登者紀路以標鄉民常避亂於此

梅子壩縣東北二十里與官山接連東北四十里通穀城界觀
音塘縣東八十里水田坪縣東南九十里均與南漳接壤

野猫洞東連驢頭坡西接歇馬河通宜昌府東湖興山之路設
弁兵防守

鄖西縣本舊上津縣並鄖縣地成化十二年割鄖縣之武陽上
津之津陽置鄖西縣東連均浙西枕金洵南阻楚水北抵商
洛千峯百澗嶽崎蜿蜒實秦楚之交會鄖襄之屏籬

安冢河在縣東北箭流舖在縣東火車嶺在縣南八里川在縣
西吊橋在縣北均扼要之區

甲河關縣西南一百一十里河自漫川上津六郎關從此入漢
小舟泝流而上直達商洛

黃龍洞縣西七十里黃鶯舖河口廣三丈高一丈中空十餘里

明季寇亂土人避難其中生全甚多黃鶯舖設有弁兵十八盤上津西一百五十里高峻盤折十八曲方躋其嶺

紅崖上津西北一百七十里穹窿崖崑四面石壁峭立上稍平坦地極高寒冬雪結冰春融方釋磴道登陟維艱明季上津縣治燬於賊官師寄治於此

夔州府控帶二州限隔五溪據荆楚之上游爲巴蜀之喉咽史記楚肅王四年爲扞關以拒蜀華陽國志已楚相攻伐置江關陽關東漢公孫述使將軍任滿下江州東四十里據扞關田戎出江關拔巫及彝道彝陵據荆門虎牙建武十一年岑彭大破田戎於荆門率諸軍長驅入江關入江關則已過三

峽之險奪全蜀之口公孫述之敗亡可立決矣東至湖北歸州三百三十里南至湖北施南府五百里西至忠州七百里北至陝西平利縣八百里自府治至成都一千九百里奉節縣附郭卽古魚復城

白帝山府東十三里峽中望之孤特峭立北緣馬道接赤甲山其平處南北相距八十五丈東西二十丈故巴東郡治此卽白帝城也四面峭絕惟馬嶺差透迤晉益州刺史鮑隨鎮此爲譙道福所圍城中無泉乃南開水門鑿井爲函設機取之赤甲山在府東北十五里不生草木土石皆赤如人袒臂本名赤岬山

白鹽山在府東二十里巖壁高峻色若白鹽水經注白鹽崖高可千餘仞俯臨神淵是也明初伐夏湯和分軍出赤岬白鹽兩山之間

瞿塘關在府東二十里以瞿塘峽而名樂府解題曰瞿盛也塘陂池也言盛水其中可以行舟又曰夏則爲瞿冬則爲塘瞿塘峽爲三峽之門兩岸對峙中貫一江灩澦堆正當其口於江心突兀而出水經注白帝城西有孤石冬出水二十餘丈夏卽沒秋時方出諺曰灩澦大如象瞿塘不可上灩澦大如馬瞿塘不可下舟人以之爲水候亦謂之猶頽堆宋淳熙中有成鋪者遣人垂繩墜石以約之凡八十四丈當夏時江漲

灩澦上水猶三十餘丈每一舟入峽數里後舟方續發水勢怒急恐猝相遇不可解析過堆進峽兩面高巖峻壁斧鑿之痕皴皴然而黑石灘最爲險惡兩石磯束江驟起水勢不能平峽流急甚常於四月初旬夏漲未發之時申初在夔門解纜酉初已抵巫山縣城計水程一百二十里則知千里江陵一日還之言不甚誇張也

八陣磧府城南八里夔州圖副曰永安宮南一里渚下平磧周圍四面八十丈中有諸葛武侯八陣圖聚細石爲之各高五尺廣十圍歷然碁布縱橫相當中間相去九尺正中開南北巷悉廣五尺凡六十四聚或爲人散亂及夏水所沒冬水退

依然如故

黑樓門城東三十里北往大寧之路連峯疊巘徑出溝中詰屈蟠折行三十里登紅巖石磴盤盤徧路逼窄約高十里險峻不讓九折坂也

巫山縣府東一百二十里南臨大江在峽北岸城憑石山爲固由江岸至南門盤曲而登至北門約二里許東面山高可以俯瞰城中限以大寧河百雉屹然極爲鞏固

文筆峯城東三里當大寧河入岷江處高峯千仞秀削青葱峭立江表約高十餘里峽中遙望風景宛似小孤

巫山在岷江南濱臨江岸山根寬濶山頂平列大峯之前左右

有兩小峯作人立狀望之絕類巫字江行記自巫峽東至西陵峽皆連山無斷處非亭午夜分不見日月風無南北惟有上下圖經山抗峯岷峨借嶺衡嶽其羣峯凝結翼附並出青雲世傳巫山峯曰望霞曰翠屏曰朝雲曰松巒曰集仙曰聚鶴曰淨雪曰上昇曰起雲曰飛鳳曰登龍曰聖泉下巫山峽三十里至神女廟前灘尤洶怒十二峯俱在北岸前後映帶不能足其數所見只八九峯惟神女峯最爲鮮麗巫峽之名因山名峽蜀人以其經東境亦謂之東峽也云

鳳凰山城北五十里由橫石塘漢坪塘斜袤而上上下六十里中間危坂數處石山壁立崿岈挺拔行人經過鮮不吁噫嘆

三省邊防備覽
爲危乎高哉

龍霧山在鳳凰山下巫山往大寧大昌在此分路往大寧山青坪而至水坪往大昌則向錢家河北行龍霧山六十里至大昌又由龍霧山進溝往觀音巖東至巴東界

大昌在巫山西北一百二十里崇山峻嶺中忽開小平人民築有土堡約五百丈堡在大寧河北水田二千餘畝人煙稠密往時大昌爲縣治無大寧自大寧建縣而大昌廢故歸巫山管轄大昌汛後東北六十里八石坪汛西南八十里黃草坪汛扼房竹相思嶺烏雲頂陰條嶺諸險明末楊嗣昌重兵守夔關而大昌至平利各隘口棄而不守賊由大昌出大寧徑

趨開縣夔關反隔在外重兵爲虛設

國初設遊擊營改守備營後改營爲汛歸巫山營管轄兵力單薄近議仍添設守備足資捍衛

水坪大昌南四十里巫山往大寧在此相會西南行則往夔府之路大寧鹽廠小船挂號稽查

大寧縣郡東北一百八十里前臨深澗後倚峻嶺一帶石山壁立城在山椒因山爲城東南二面砌有石塊磚堞百雉屹屹甚爲鞏固

露風埡縣東四十里靈官殿縣東二十里由水坪西北登山峭拔盤曲陡山從人面起攀援而上冬春亦汗流至埡忽覺清

風吹面故以露風名由堙下至靈官殿土山蜿蜒由靈官殿至大寧城石嶂嵯峨望之如夏雲奇峯避大寧鹽廠之險由靈官殿東北繞道可至徐家壩

大寧縣北三十里沿途石壁陡峭狀似神工斧削與巫山峽無異從石壁攀藤附葛而行失足輒墜澗底背負馬騾決不能行峽中河流一道小船載鹽貨上下而上灘曳纜之夫因無緯路時東時西均由水中躡過苔漲發至二三尺則小舟亦不能上洵為天險

鹽廠大寧東北三十五里由峽河沂流而上三十里又從小河口西進五里至白龍泉兩岸竈戶住居五方雜處人煙稠密

譚家墩在鹽廠東十里鹽廠由小河進譚家墩則由大寧河東上五里鹽廠營安於墩後憑峻岡前臨深澗礪路一線人馬難行亦當關莫過之險明末流賊之擾鹽廠先被焚掠而大寧相繼燬破良以鹽廠失守則捨船作筏即可順流而下譚家墩為鹽廠之門戶即大寧之藩垣也

徐家壩在鹽廠東北六十里由譚家墩東上十五里至兩河口山峽礪路人馬難行仍可乘小舟派流而上兩河口過神鹿坪至徐家壩一帶路尚平坦徐家壩地稍開拓為山內小壩經畧額侯嘗於此安設守備營並駐客兵防堵因思川楚邊界巫山至鎮坪三百里間由巫山縣渡龍霧山六十里限以

鳳凰嶺自靈官殿繞大寧至兩河口七十里石壁嵯峨儼同鐵垣自大寧苦竹壩上鷄心嶺下平利之瓦子坪危峯插天高出雲表此三處無論人馬皆不能度卽飛鳥亦難以過惟龍霧山從大昌至水坪東扼相思嶺烏雲頂各路出大昌則可取道至大寧之南奉節之北沿山徑達開縣東鄉矣由神鹿坪經徐家壩東扼黃草坪張公橋蕭家坡各路徐家壩不守則可徑由一碗泉至鹽廠之後徑達城口雲陽矣額侯於此二處安設大卡派勁勇將官把守識畧洵爲卓絕然非跋陟險阻躬歷山間則於邊境形勢不能瞭若指掌如此一碗泉在徐家壩西北一百四十里山勢峭峻扼平利太平之

路間道不過鷄心嶺由徐家壩西廟埡子賀岡溪至一碗泉由一碗泉三十里至三王廟卽城口廳地也

九龍池在鹽廠西一百三十里通老木園路峯巒重疊曲折蜿蜒亦爲要隘

萬春河縣西二百四十里由核桃壩紅池壩而進至此爲老林要口北一百四十里至桐油壩西北七十里至剪刀峽爲大寧城口交界要隘

雲陽縣在夔府西一百八十里濱臨大江縣境在江南者地方遼闊與湖北恩施建利接壤東北重岡疊阜絕少平原邊境與大寧太平開縣相連接連間有未開老林

雲安廠城東三十里由小河進井竈數十處人煙稠密設有鹽

大使管理

上三壩雲陽東北邊界東至大寧天心觀七十里至寶塔十五里西至沙陀子六十里南至銅錢壩三十里當山中四達之區頗為要隘

路陽三壩雲陽北界與開縣接壤地稍平坦中有水田

東陽灘雲陽東三十里至廟磯子十五里層巖亂石森立江中波濤湍激水大則東陽可虞水小則廟磯更險為川河著名大灘稍不戒則傾覆可虞

小江口縣西七十里當開河入岷江之處河津要口稽防不易

高陽縣西九十里為雲陽開縣交界之所陸路要衢雖無險阻而漫坡斜嶺非坦途可比

開縣在夔府西北三百六十里北連太平東鄉西接雲陽萬縣東扼大寧奉節西通新寧梁山山阜崔嵬川原肥美為一郡壯邑

網鹿溪城東六十里開河經由之地通大江要路交雲陽縣界鐵峯山城南一百二十里危峯卓立交萬縣界

石香爐城西南一百五十里山勢崢嶸四面峭削礮路一線交梁山萬縣要隘

臨江市城西七十里上通綏定當入省大道煙火千家為開邑

重地設有弁兵防守

寶山關城西一百二十里山勢蜿蜒磴路蟠折為入省大道交

新寧縣界

楊柳關城西北一百六十里連岡疊嶽起伏蜿蜒羊腸一線與

東鄉新寧接壤

涼風壩城西北二百四十里危峯萃嶽石徑崎嶇西交東鄉界

為往太平縣要道

溫湯井城北六十里連岡夾峙小河盤折其中鹽井在山椒水

淡舊有溫湯膏谷裕泉三井夏秋水漲有淹浸之慮添開二

井人煙稠密約五六百戶北通太平東鄉東北緣山路四百

餘里直至大寧為縣東北各山總口

雪泡山縣北三百二十里墨架山縣北二百四十里雪泡崮嶺

崔嵬高三十里自雪泡山橫亘而西至墨架山老林八十里

又由墨架山斜疊而西六十里至與東鄉接壤之靈官廟又

由靈官廟折而東有回基寨紫石巖滿口坪頂心石白馬山

火焰山小蓋頂關廟山長嶺岡羊牯巖大蓋頂仍與雪泡山

接連諸山皆倚附於雪泡墨架靈官三山而險阻相等中路

之小蓋頂山頭可以四望東西縱長一百餘里南北橫寬五

十餘里循山而走計八百里八日始能一週奧衍幽險樹木

蒼蔚介於大寧雲陽城口太平東鄉之間往昔為賊窟匿之

三省邊陲險要
所最爲要險

太平縣舊本州治與陝西興安州號爲邊界二州後改爲縣嘉慶七年經畧額侯會奏三省善後事宜陞爲同知廳治直隸川東道太平與興安漢中接壤爲陝西四川門戶太平屏蔽川東川北其險不在太平而在西鄉定遠前已詳言之矣顧太平在川究爲第一重要隘東之由大寧剪刀峽一碗泉東北之由兩扇門南天門大小界嶺皮貨舖窺伺川東北者必取徑於太平卽由川入秦必由太平之滾龍坡與通江之竹峪關分道出定遠西鄉則太平固川陝共憑之要也嘉慶七年設副將營轄竹峪關守備城口都司聲威最爲雄壯後因

東鄉鹽販滋事移安副將於綏定府太平改爲遊擊營與城口都司均歸綏定協管轄統轄於川北鎮總兵東鄉一帶副將就近彈壓而邊徼兵防未免少單城口至綏定相距近八百里太平至綏定相距亦近四百里萬一猝生事端稟報協營實爲緩不及事將來於太平或另添協營俾與定遠綏定犄角相倚方可嚴川陝之鎖鑰而直趨大寧亦足以壯大昌徐家壩兩要道之聲援則川東之防維固矣

道光元年仍改縣治

大竹河汛縣東北一百八十里距碼碯山不遠由梨樹溪北進溝經蒿壩橫山子廟坪至汛汛在大竹河西岸北至紫陽之二州壩五十里西北至定遠之鹿池壩六十里前臨深澗後

倚崇岡極爲要險明崇禎十三年張獻忠由安康紫陽趨蜀左良玉追至太平縣碼碯山賊據山梁左良玉策馬先登賀人龍李良臣夾擊大敗之斬首三千七百餘級擒獻忠妻妾獻忠率千餘騎仍竄興歸山內是役也雖左賀諸將奮勇而大竹河一帶崎嶇幽險左軍先得地勢則爲要隘可知也橫山子東陡西坦上下三十里爲花葯山之東支花葯山自北而南綿亘數十里直至太平縣南白沙河後上有未開老林亦廳境大山

八臺山東一百三十里翠嶺崔嵬爲縣境大山白沙河發源於此西由馬鬃灘八十里至縣城東由雙河小平溪二百四十里至城口廳西南過天池壩七十里至白沙河山峻澗深徑路崎嶇人馬不能行走

寒溪寺縣東南三百里由井溪壩南進經由橋壩嘴大灘河翻山越嶺險路一百五十里東至甕坪七十里東北至鷄鳴寺七十里南至開縣雪泡山七十里山谷幽邃林木蒼蔚竄匿匪徒多在此一帶

明通井在寒溪寺東北五十里路極險絕鹽井二口日出鹽不能踰千劬故竈戶販賣之人不能多聚

固軍壩縣南一百八十里東北至舊院壩六十里在中河之旁連岡重嶠礪路崎嶇最爲險阻由中河沿溪而下小舟可至

東鄉設有弁兵防守

羅紋壩縣南一百八十里後河水由縣城至長壩白沙河水東來注之南行八十里至羅紋壩爲水碼頭舟行下東鄉綏定合州縣北六竹河所載襄樊花布起旱夫背陸行三百八十里至羅紋壩又可放舟西下故襄樊之貨由此直達川北較漢中之路更捷亦爲要隘設有弁兵防守

趙塘壩縣西七十里南至長壩七十里北至石人壩二十里與通江黃忠堡巴州鍋圍圍相接頗爲幽險

烏舉梁俗稱烏龜梁由井溪壩西南溝陡上十餘里礮路逼窄石徑崎嶇攀援而登目眩心悸過者牽挽上下稍不成則人

馬均斃此處爲通開縣要路牛溪之水自中河下固軍壩相距九十餘里

城口廳在太平縣東當川陝邊界之中山縣東馬鬃嶺八臺山小路而進懸巖深澗人可攀援而前馬不能行險路三百四十里由梨樹溪大竹河進鷄公灘三灣唯竹兜單騎可行而礮路逼窄磴道陡峻絕險處亦必步行計程三百八十里城口廳於萬山中結平壩又於平壩中結小阜前有水田數十頃福興太和兩場爲山內大集舊設把總汛在今營東一里許嘉慶七年經畧會奏於城口設都司營移太平經歷分防其地東至大寧六百里南至開縣五百八十里北至紫陽五

百里東北至安康磚坪四十里最爲要隘搜捕零匪經參駐兵經年近議分設廳治

高觀寺在城口東一百八十里崇山峻嶺之中地稍平坦溪流澗澗水田數十頃人煙二三百戶山中大集場爲各老林要口議設文員分防

老埡口城口北八十里至楊四巖七十里羊耳壩六十里山勢嵯峨當川陝界嶺要隘

嵐溪汛城口東北一百三十里至南天門七十里路通安康之磚坪當川陝界嶺要隘設有弁兵防守

金鷄梁城口東北二百三十里至高觀寺九十里北至兩扇門三

十里至漁渡河五十里與平利八仙河徑路相通老埡口嵐溪汛均在峻嶺之上古木叢篁紛紜錯雜極爲險阻

黃墩埡城口東二百五十里大竹河在此發源當老林之口川陝界嶺由通江定遠紫陽磚坪平利東南徑至竹谿房縣大昌巫山巴東各廳縣而於平利兩扇門偏巖子之間大嶺拖出一支西南赴大寧城口雲陽開縣結爲高山峻嶺蟠折二千數百里偏巖子至黃墩折而東則爲大寧剪刀峽萬春河紅池由剪刀峽北則爲太平之百里荒西爲漆子池老林中有池水廣數十畝俗訛爲漆子城東南爲大圍城小圍城山勢狀城堡寬廣數十里又東南爲東流溪西流溪分水嶺其水

出大寧雲陽注於黃連溪雲安溪皆大寧太平交錯地折而西南爲黃草坪七歇坡馬竹壩則太平雲陽交錯之地其由百里荒折而西南一百里至厚坪汎七十里至三溪子三十里至紙廠交大寧奉節界由厚坪西一百一十里至菜子壩折而南一百里至濛濛溪四十里慈子坪六十里長槽折而東南八十里仍會西流溪由慈子坪分路折而西南八十里貝母池九十里仙魚池三十里壅子坪三十里鷄鳴山九十里至開縣之雪泡山此帶山幽谷暗不通水道故老林未闢間有流寓之民在林中墾荒種苦蕎燕麥地氣高寒不能成熟旋棄而他徙千里蒼蔚一望蒼茫採藥探路之人往往迷

忘歸路必裹帶十數日乾糧方敢前進天生奧區零匪竄匿其間經參各元戎深入搜捕近兩載始蕝事地勢使然勞瘁可知矣

厚坪汎城口東二百四十里扼各老林之要設有弁兵防守

白芷山城口西南一百一十里峇嶺崔嵬與八臺山花葯山均爲太平大山太平中河導源於此

鷄公灘城口西一百二十里灘卽大竹河水小舟作渡南上三灣北登燕塘坪均三十里陡峻異常似太白山起人面雲生馬頭專爲此咏也輪馬至此捨而步行扶曳上下城口地方多古戰場此一要隘也

保寧府古巴子國東有平梁竹峪之阻西扼嘉陵劍關之險七盤朝天雲棧千里爲蜀西之門戶川北之屏藩唐光啓中王建爲利州刺史周庠說建曰葭萌四戰之地難以久安閬中地關人富攻之易下建襲據閬州後遂爲并蜀之本邊徼重鎮設有巡道總兵東至巴州三百六十里南至南部八十里西至劍州二百四十里北至蒼溪六十里

巴州在郡東亦古巴國地秦漢爲巴郡東晉時李特擅蜀此地爲巴氏所據不置郡縣宋末於巴嶺之南置歸化郡梁兼置巴州山蟠巴岫水成字江崇山峻嶺深澗激流蜿蜒紆曲爲川北之中樞實蜀西之外翰州轄八鄉共六十八場場各有

頭自東而西千有餘里南北相距四百餘里

州治漢宕渠縣地漢永元中分宕渠北界置樂昌縣仍屬巴郡長樂鄉在州境東所轄村落煙墩埡官壩之類至州城六七百里東境與通江相錯由州城至鎮龍關州判分防之地三百里而近內潘家園麻札石上下老官廟通地之錯入者橫寬七八十里縱長一百數十里自鎮龍關至秋波梁四百里而近內竹峪關絲羅壩黃忠堡各村庄通地之錯入者橫寬六七十里縱長一百數十里一邑所轄分成三段完糧考試戶婚田土詞訟及拘捕人犯必須兩越通江之境人犯屢不到案或中途逃逸者有之諺稱野巴州非其人之野實由地太

寫遠雖馴良者亦以越境質訊爲苦近議將銅團圍以東撥歸太平距城不過數十里遠亦在一百里內外民便而稽查亦易州城新設遊擊營防守足壯山內聲威

黃城關州東南萬山中嘉靖時議以黃城關界巴達二州間達州旣築龍船關其東偏西偏卽巴州長樂太平二鄉之衝不可不爲障寨因相示雲城瀟明二區皆屬要隘又相距纔十里聲援甚近設關其上與龍船鼎峙爲三

鎮龍關州東三百里高山峻嶺中結小坪前臨深澗州判分防之地東由石窩場至煙墩埡三百六十里距太平縣城三十里又自煙墩埡四十里至秋波梁與陝西定遠交界東南由

石窩場陰背巖至王家壩二百六十里與太平交界南由土地堡土巴營至方山坪一百五十里與達縣交界北由趕場子至洪口爲往通江竹峪關之路峻嶺深澗陡拔幽險周圍一千數百里並無平曠田壩最爲要隘

浪樓溪隘口州東一百八十里又州南二百里茶壩司隘口卽江口一路

江口鎮州南二百四十里經雷山孤山坪至鎮巡檢分防之地巴江正流發源南江老林遠巴州城南至江口定遠西鄉源出巴山之水流至通江亦合流至此入巴故名曰江口順流而下則三匯渠縣凡由雷山分路四十里至茨芭門又東北

六十里至得勝山即南北山大兵在此屢獲勝仗故易今名得勝山州東二百四十里西至茨芭山六十里南下老官廟經黃家營至蜈蚣嶺九十里一路山勢蜿蜒徑路詰屈介在通巴接壤偶有伏莽由州拘捕舉足便入通境由通稽捕舉足便入巴境犬牙相錯號為難治

大小巴山之間曰巴峪關又馬渡關在州東三百里

平梁城州西一十五里四面懸巖削壁狀似城垣只一路攀援而上號稱天險周圍數十里巴州險寨可據以守者甚多處處石峯秀聳有四十八座蓮花寨之稱以平梁為首上有平壩水田下稻種數石古寺龍泉二水四時不竭容居民數千

戶宋淳祐中都統制張實築城於此取平定梁州之義曰平梁城山因以名軍興時官吏士民避處於此軍糈兵械寄儲其上

恩陽河州西九十里西十里皆家場為大集場地勢開拓往時設恩陽縣治通保寧要路

七顛石恩陽河南四十里七峯卓立狀似北斗南錢庫嶺往儀隴要道

南江在巴州西北一百八十里西北至廣元縣四百里東北至通江二百八十里幅幘頗廣而人煙稠密共二十四場縣境北與陝西南鄭褒城寧羌接壤考大巴山之腹在西鄉定遠

山頭則在寧褒廣南水經於沔縣之養家河曰發源巴山其明徵也巴山無圓木板枋各厥然他處尚備薪炭之用故漸次開墾其在南江者自廣元之城牆巖至通江之木竹埡縱長二百七十里以距水次太遠土壤焦黃與包穀雜糧不宜故一望青蒼千章森鬱路徑亦多茫迷東北兩境但知其與南褒接壤孰為扼要未能瞭然心目也

段渠城東十里往時議設縣治於此

太虛洞空曠幽深可容千人邑人常避兵其間

貴民關即鬼門縣東北一百二十里嶺峯險阻從此進老林至木竹埡七十里又東北七十里至通江西河口為南江往通

江南鄭之路最為要隘

小巫山縣東北五十里上有十二峯下有龍洞即巴山之羣峯也相近有蓮花峯峯巒四面層秀有石洞亦曰蓮花洞高空百餘丈內容千人外臨深淵邑人常避兵洞中

沙河子縣南七十里至馬掌四十里古柏夾官道兩旁黛色參天蒼皮溜雨大者連抱高十餘尋數千年物也土人稱為神樹又謂之皇木一枝一葉不敢輕動

長池場在李家寨之下為縣中大場分李家寨在沙河子東四十里距城一百一十里懸巖峭壁四面陡削一徑蟠折而登頂頗平坦有泉供汲飲軍興時官吏避處寨中

諸葛寨縣西百里高五十餘丈四壁峻拔惟一面鳥路可上有泉四時不竭相傳孔明駐兵於此可容萬衆

分水嶺縣南一百四十里往廣元要路東至羅家壩六十里西至百丈關七十里重岡連阜蜿蜒起復行人吁噫途中亦爲要險

通江縣在巴州東北一百八十里至太平廳四百二十里棧枒四出東之竹峪關南由三溪子黃忠堡斜出巴斗坪與太平交界四百里而遙東南由唱歌郎斜插至下老官廟得勝山三百里而近東北至饋子壩與定遠交界西北至西河口與南鄭天池子交界四百里而遙近城無平壩而四境錯出鄰

治川陝邊界稽防不易

毛峪鎮縣東北四十里東北通定遠簡池壩北至空山壩通西鄉之樓枋坪菩提河西北至西河口通南鄭之青石關廼軍壩西通南江之木竹壩四達輿區地當要隘有守備營防守德漢城縣東一百三十里萬山中崛起崖塹峭絕千仞狀如巖城泉水足供汲飲獨西南二徑凌險轉折而上有一夫當關之勢頂平數里可以耕藝宋淳祐中余玠臨視形勢命統制張實因險築壘儲糧建邑爲恢復舊疆之計現今其上石壁四削中平尚容數千戶賊擾時官吏移居古城之中

西河口縣西北三百四十里當羊圈關之口兩山夾峙陡下二

十餘里山口仰攻甚難由關下口則建錐之勢故往往取徑
木竹堙花石梁間道

廣元縣秦葭萌縣隋唐為利州亦曰益昌郡華陽國志蜀王封

其弟葭萌於漢中號曰葭侯命之邑曰葭萌在昭化縣東北

四十里寧羌州西南二百四十里前臨大江後倚峻嶺地勢

開厥為兩川門戶近設遊擊營防守

漫天嶺縣東北三十五里峻出雲表大小二嶺相連一名葉本

山蜀道之阻險者

龍門關縣東十里嘉陵江東岸其地有千佛巖懸崖架木作棧

而行石巖蜿蜒其形若門後鑿石為佛像漸成通衢

石關橋石樓關飛仙關皆距龍門不遠

朝天關縣東北五十里危巖峭壁嘉陵江水環遶其下石磴嶮

折諸葛武侯出師運籌於此又稱為籌筆驛蜀有三關之險

此其一也最為要隘鵬翮曰籌筆驛即今之神宣驛在朝天關東北三十里

百丈關縣東一百二十里舊設黃楊營關旁有水深百丈東北

通城牆巖東接寬灘與南江褒城寧羌各界嶺相距關至五

郎汛一百六十里五郎至寬灘汛一百六十里在老林之旁

均為要隘

劍州府西北二百四十里宋郭忱曰州前瞰巨澗後倚層巒邊

山而立一徑陂陀中貫大溪州治在平山內外居民悉在山

任山上形勢險固禦敵之要地南至潼川三百六十里西至綿州二百九十里西至龍安二百九十里

劍關城州東五十二里當小劍山之北蜀先主以霍峻為梓潼太守始置縣晉因之後廢

大劍山一名梁山州北二十五里其東北三十里曰小劍山峯巒聯絡延亘如城下有隘路謂之劍門關大劍路頗平小劍則石上架閣尤險峻有大小劍水出於山下唐李德裕銘曰羣山西來波積雲屯地險所會斯為蜀門層巖峻壁森若戈戟萬壑奔東雙飛高閣翠嶺中橫黯然黛色樹若雄屏以衛壬國王氏曰大劍山兩崖相對劍門關在其上北去陝西棧

道六百餘里西南去成都六百二十里

大成寨東鄉所管距達縣東鄉均六七十里危巖懸壁嵯峨森立周圍數十里四面無路可通只一徑蟠折而上石門洞開作柵以守為天然鐵城寨頂平曠有田有泉可屯數萬人賊擾時官民移據其上官軍亦常紮營

太平寨高平寨均達縣之地石峯峭削高數十丈土民憑險以守常寄貯兵糈又開縣三十里亦有太平寨巖岫環繞險阻相類

大寧縣有老木園雲陽縣有祖師觀營山縣有箕山寨皆巖巒陡削頂結厥平有泉可供汲飲為居民清野堅壁之地

渠縣正北鷓子寨西北猪山寨正東兵山寨皆嵒嵒峨峨高出雲表四面石壁一徑中通頂均平曠可容萬衆號為渠縣三寨廣安州正東七十里之大梁城層巖疊嶂林立千尋自然鐵壘金城上有水田千畝井泉十數道足供澆灌容數萬人宋嘉祐三年制置使余玠城大梁坪為廣安治所實祐未陷於蒙古景定初宋復取之石崖四絕實為天險相傳張獻忠擾亂全蜀無不破城垣惟大梁得完固蜀地民情浮動土地豐饒為外寇所窺伺而洞寨多奇險天心仁愛生此奧區所以保護蒼黎也

潭毒山史稱劉子羽以是峻拔寬平且有水泉結壘自守以固蜀口沔縣志稱在縣西八十五里今沔縣西至寧羌五丁關一百四十里沿途並無可守之險惟青羊驛一路山峽尚為崎嶇因思饒峯不守吳武安退保西鄉子羽前至寧沔擇地結營當入蜀正路而西鄉為間道在興元東南敵由興元進攻潭毒則慮武安之乘其後敵攻西鄉則潭毒不能踰興元以相援金師之攻潭毒者固以糧餉不至引去而實慮武安從後襲而擊之也

廣元志稱潭毒在縣北九十里上有潭毒關下瞰大江路皆滑石登陟頗艱為蜀口之險要下有深潭相傳潭下江岸有一鐵索見則兵動為劉子羽築壘處此地形勢甚險較之沔志

所載為可據但距興元彌遠金師不能遠追至此也

仙人關殺金坪史稱吳璠議前隘不足守亟修第二隘扼殺金坪之險畧陽志稱殺金坪在縣北白水江與保福山相近查白水江之北為三川一路宜撫治所在興州為今畧陽城而敵之由鳳州進者尚有成徽兩縣均險阻可守豈當日所謂前隘在鳳成微耶而白水江三川一路險峻則實為異常青泥嶺在畧陽北一百五十里白水江西五十里通置口郿閣為古入蜀路蔡中郎有郿閣銘李白有青泥何盤盤之咏唐宋年間漢棧久圯傾自柴關至褒谷山石砰裂沿途磊塞人馬不能行走明皇僖宗幸蜀由池河今鳳縣至興州利州而武

安兄弟之禦金亦在微畧一路故宋利州轉運李虞卿倡修白水江路廢青泥一驛以為取徑捷而經費省也

褒城驛孫譙記以為濱臨漢江當梁益兩節度之衝今褒城縣在石門之南前臨讓水即烏龍江距漢江尚三十里南鄭志稱西

南二十五里之柏鄉為古褒城驛似為近之唐人自長安至梁州大道則出池河興州而問道有二東子午谷所謂一騎紅塵妃子笑嘉州進荔枝路也東北由盤屋西駱谷取道華陽至洋縣灊谷德宗幸興元路也當時使節赴蜀必有取徑問道者故褒城驛為梁益衝

大散關相傳即寶鷄之二里關距鳳縣之黃牛堡五十里兩山

三省邊防備覽
夾峙一線羊腸蟠折而上旁臨深澗西上煎茶坪陡峻危磴
高十餘里實爲天險竇雞峪口較他峪爲寬坦至大散關入
險進鳳嶺柴關二十四馬鞍橋鷄頭關皆北陡而南稍夷往
成徽者亦取道於此大散關洵蜀口第一重險要黃牛堡在
關內地處四達吳武安常遣步將楊從義築堡扼敵亦必爭
之隘

微王山竹山縣西南三十里宋張嶠有微王記稱湔微江上百
里而近有兩山臨水其東穹崇而崿峯其西蟠礴而渾厚高
峻出飛鳥上土人目爲雄雌而均謂之微王山山甚靈異環
山數百里皆峻巖穹谷桑仲寇竹山境之被害者十七八惟

避於茲山者皆得免尚書牧野之篇武王伐紂助師者曰羌
鬃庸蜀微盧彭濮皆秦蜀楚邊微之國茲山得王名或微自
伐紂之後得封爵而還而茲山固其舊域歟遭秦焚書之後
其世次不可考云然由張記核之則西南諸大山固皆微封
不獨庸之爲竹山矣

鶯巖寨竹山縣城西南

國初無城垣官民棲此寨中知縣謝泰禦流寇楊明啟於此後以
鶯巖逼窄移居鐵壁蔣家寨郝搖旗合楊明啟屢攻不能克
則鐵壁鶯巖爲邑要險矣



